

Les Minutes juridiques autochtones

PENSION ALIMENTAIRE

Auassiu-pakassiu-shuniau.

Eukuan Educaloï mak Association des femmes autochtones du Québec ka uauitshiashit tshetshi apishish uauitakan tan tshe ishi-takuaitshanut miam Auassiu-pakassiu-shuniau natuenitamin. Mate innu-ishkueu auassiu-pakassin-shuniau ui natuenitak ekuat ute tshe petak tshekuanu tshe tutak kie tan tshe ishi-tshishpeuatishit.

Nishapet miam uapameu Philomène nite akameshkanat, takunaushinnu. Ekue natuapamat.

Elizabeth Kuei Philomène, tan espinin? Tshitanamitsheniten a kau niatshi-atuissein?

Philomène Tshi ma tshissenitamin eshk^u 6 pishimua nipa tanashapan nitinat tshetshi aitutuk nitauassim muk^u shash nitshishikuma uemapanu ka minikuian tshetshi minueniuiian, mak kanipua shash apu ushuniagian. Minuenitakuan e utauassiminanut muk^u mishta-apatin shuniau : ashpishana mate, tutushinapui eshk^u mak kakunausht tshe ui tshishikuk. Aiat nitanamuin tshetshi panian.

Elizabeth Utaumau apu uitshishk a nite shuniatat?

Philomène Mauat, tshekuan tshipa ut minitin shuniau, apu uitapimatikuat um, iu.

Elizabeth Mishta-unapinu an, kassinu uikanishimau ishinakuanu tshetshi pakassiat utauassima, Ishinakuanu tshetshi patshitinak shunianu nenu eshpish tshi tutak.

Philomène Tapue a? Tshitshishkutamakun tshetshi kaimishiuiin tshia, tshipa tshi put uitamun tshekuan tshe tutaman tshetshi uitshit nite shuniatat.

Elizabeth Ne utaumau eka uinakan nite tshitauassima ushukaitashunit, uemut tshika ui ushkuishten, eku patush tshetshi natuenitamut auassiu-pakassiu-shunianu, eka kanipua ashamakan.

Philomène Aua ne muk^u?



takuaikan

Information juridique pour les Autochtones

Elizabeth Mauat apu muk^u. Ui tutut utaumau tshetshi pakassiat kie uin utauassima, takuana mashinaikana netuenitamakuin tshetshi uapataniuen nite kaueueshtakan, ui natuenitamin auassiu-pakassiu-shuniau. Uin Utshimau kaimit tshika tipaimueu tan tshe ishpenitakuanit shuniaunu tshetshi minikuin.

Philomène Nipa tshi a tshisseniten tshishat tan tshe ishpenitakuat ne auassiu-pakassiu-shuniau?

Elizabeth Eshe, takuana an mashinaikana nite uatakan muk^u ishinakuan pittama tshetshi shakassinitan mashinaikan ui natuenitamin auassiu-pakassiu-shuniau. Tshika tshi tshisseniten tshishat tan tshe ishpashat sheshikan ne auassiu-pakassiu-shuniau eshk^u eka itutein kaueueshtakan.

Philomène Apu nita tshikut ui minimit nenu?

Elizabeth Tshika ishinakuanu peikuan tshetshi minikuiek^u. Mashu katshi pimipanitakan nite kaueueshtakan mak ne Utshimau-kaimit katshi patshitinak utaimun, apu tshekuanu tshika tutak, takuan an takuaikan tekuaitshet auassiu-pakassiu-shuniau. Eka ui minikuiek^u peikua kie nishuau peikupishuma matshima nite ukaniun tshika pakuenakanu tshetshi minikuiek^u ne auassiu-pakassiu-shuniau.

Philomène Tshimishta nishkumitin Elizabeth katshi kassinu minu-uauitamuin tshe tutaman. Shash nui nishtutatishin. Nika natuapamau kaimit uapaniti.

Miam ishinakuat kie tshinuau tshetshi ui nashueuk utaumau auassiu-pakassiu-shunianu, ekuan ne miam tshe tutamek^u. Tshe aimiek^u kaimit kauauishiuet nite pessish etaiek^u kie mak kaimit utinek^u.

*Tutakanipan ume tshetshi nishtuapatakan takuaikan eshinakuat. Uepishtikui-
tshishe-utshemau-takuaikan eukuan ka patshitinak shunianu.*